

ՄԻՋՆԱԳԱՐՅԱՆ ՀԱՅԱՍՏԱՆԻ ԶՐԱՇԻՆԱՐԱՐՈՒԹՅԱՆ  
ԵՎ ԶՐԹԳՏԱԳՈՐԾՄԱՆ ՊԱՏՄՈՒԹՅՈՒՆԻՑ

Ս. Ա. ՎԻՐԱՔՅԱՆ

Միջնադարյան Հայաստանի ջրային տնտեսությունն ու ջրօգտագործումը սերտորեն աղերսվում են հողային հարաբերությունների հետ և սլայմանավորվում դրանցով: Դեռևս Արտաշես I-ի (մ. թ. ա. 189—160) ժամանակ, ինչպես վկայում է Մովսես Խորենացին, Հայաստանում բավական զարգացած էր գյուղատնտեսությունը և մասնավորապես հողագործությունը<sup>1</sup>: Իսկ Հայաստանի ցամաքային կլիմայի սլայմաններում երկրագործության զարգացումը առանց արհեստական ոռոգման անհնարին էր:

Զրաշինարարության վերաբերյալ հայկական աղբյուրների առաջին ստույգ տեղեկությունը վերաբերում է Զվարթնոցին: Ներսես Շինող կաթողիկոսը (641—661) Զվարթնոցի շինարարության հետ կառուցում է նաև ջրանցք և ջուրը հասցնում նորակառույց նստավայրը. «Եւ ածեալ ջուր ի Քասախ գետոյ՝ զամենայն աւազախիտ առասպար դաշտաւայրն՝ ի գործ արկանէր, տնկէր այգիս և բուրաստանս ծաղկոցաց»,—վկայում է Հովհաննես Դրասխանակերտցին<sup>2</sup>: Զրաշինարարական աշխատանքների մասին վկայություններ են հանդիպում նաև վիմագիր արձանագրություններում: 783 թ. Ուխտատուր վանականը և իր եղբայր Տոտլիկը Սարկասյանու դաշտից խմելու և ոռոգման ջուր են բերում Թալին գյուղի համար. «Բերաք զաղբիւրս ի Սարկասյանու դաշտեն ի Թալին. թէ իշխանաց ոք խլեսցէ, իմ մեղացս պարտական եղիցի»<sup>3</sup>: Ճիշտ է նկատված, որ «սա կարող էր լինել թե՛ խմելու և թե՛ ոռոգելու ջուր, որ երևում է իշխանների կողմից խլվելու վտանգի հիշատակությունից»<sup>4</sup>: 867 թ. Արադածոտն գավառի Արուս և Կոչ գյուղերի միջև արյունահեղ կռիվ է եղել ոռոգման ջրի համար: Հայոց Սմբատ սպարապետի հրամանով այստեղ է եկել Վռամի որդի սմն Գրիգոր, որն իրեն անվանում է Սմբատի ծառան, և հավասարեցրել ջուրը հիշյալ գյուղերի միջև ու Արուսի վանքի սլատին թողել արձանագրություն այդ մասին: Վերջում նա նզովում և սլառնում է նրանց, ովքեր կխախտեն այդ սլայմանագիրը<sup>5</sup>: 985 թ. կառուցվել է Բյուրականի Հայաթաղի առուն<sup>6</sup>:

Արաբական տիրապետության շրջանում գյուղատնտեսությունը Հայաստանում անկում է ապրում: Խափանվում են ջրանցքները, կրճատվում ցանքատա-

1 Տե՛ս Մովսես Խորենացի, Պատմություն հայոց. Երևան, 1968, էջ 191:

2 «Յովհաննու կաթողիկոսի Դրասխանակերտցոյ Պատմութիւն հայոց», Թիֆլիս, 1912, էջ 88:

3 Կ. Կոստանյանց, Վիմական տարեգիր, Պետերբուրգ, 1913, էջ 3:

4 Բ. Առաքելյան, Քաղաքները և արհեստները Հայաստանում IX—XIII դդ., հատ. 1, Երևան, 1958, էջ 44:

5 Կ. Կոստանյանց, Վիմական տարեգիր, էջ 20:

6 Նույն տեղում, էջ 9:

րածությունները: Արարական նվաճողների դեմ տարած հաղթանակից հետո, նոր հաստատված Բագրատունիների թագավորության ժամանակ ստեղծվում են նպաստավոր պայմաններ տնտեսական ու քաղաքական կյանքի վերականգնման և հետագա դարգուցման համար: Նորակառույց վանքերն ու աշխարհիկ ֆեոդալները միջոցառումներ են ձեռնարկում խաթարված ջրանցքներն ու առուները վերականգնելու և ոռոգման նոր ցանցեր կառուցելու ուղղությամբ: Հովհաննես Գրասխանակերտցին սգևորությամբ պատմում է այդ շրջանում կատարված շինարարական աշխատանքների մասին. «Տնկեցին այգիս և արմատացուցին բուրաստանս ձիթենեաց և պարտիզաց. հերկեցին հերկս արտաքոյ փշոց և կիկեցին պտուղս հարիրաւորս, դեղան շտեմարանք ցորենոյ ի ժամանակի լրութեան հնձոց. լցան գուրք գինոյ ի կոթս այգեստանեաց»<sup>7</sup>: Ջրաշինարարական մեծ աշխատանքներ են կատարել նաև Բագրատունի թագավորները: Սմբատ I-ը (891—914) վանեվանի վանքի համար 903 թ. կառուցում է ջրանցք, որն սկիզբ էր առնում վանքի հանդիպակաց լեռների վրա գտնվող Ունջոթ գյուղի մոտից և կտրելով բավականին տարածություն, հասնում էր վանքի շրջակայքում գտնվող Ոսկեբակ գյուղը<sup>8</sup>: Աշոտ III-ը (953—977) կառուցում է Անի մայրաքաղաքի ջրմուղը, որն սկիզբ էր առնում Ալաջա լեռան ստորոտից, իսկ Սմբատ II-ը (977—990) կառուցում է մի մեծ ջրանցք, որի ջրերն օգտագործվում էին Անիի հյուսիսային կողմի խրամները լցնելու, Բլիձորի այգիները ոռոգելու և ջրաղացները աշխատեցնելու նպատակով<sup>9</sup>: 1031 թ. Բագրատունի Հովհաննես Սմբատ թագավորի օրոք Երևանի պարոն Ապիրատ իշխանը վերանորոգում է դեռևս ուրարտացիների կողմից կառուցված Մամուրի ջրանցքը, որը հավանաբար ավերվել էր<sup>10</sup>:

Ջրաշինարարական զգալի աշխատանքներ են կատարվում նաև Վասպուրականում, Արծրունի թագավորների կողմից: Նրանցից Գագիկ Արծրունին իր կառուցած բերդերն ու զոլակները շրջապատում է այգիներով: Երա հրամանով անց են կացվում արհեստական ջրանցքներ: Վարադա լեռան ստորոտի աղբյուրների սառնորակ ջուրը հասցվում է մինչև Ամրական ամրոցը: Ըստ Արծրունյաց տան պատմիչի՝ լեռներից «հոսեալ իջաննն դետք սահանակարկաջք յորդահոսք, որով ոռոգանի երկիրն առ հասարակ...»<sup>11</sup>: Արհեստական ոռոգման սխեմաներ են կառուցվում մայրաքաղաք Վանում, որոնք «ոռոգեալ արբուցանեն և բուրաստանս և պարտեղս, հովիտս և ծառատունկ բազում»<sup>12</sup>: Գագիկ Արծրունին ջրանցքներ է կառուցում նաև Ոստան քաղաք-ամրոցի շրջակայքում

7 Գրասխանակերտցի, էջ 250—251:

8 Ո. Բարխուդարյան, Գիվան հայ վիճադրության, պրակ IV, Երևան, 1973, էջ 122 (այսուհետև՝ Գիվան):

9 Թ. Թորամանյան, Նյութեր հայկական ճարտարապետության պատմության, Երևան, 1942, էջ 334:

10 Յ. Շախաբունեանց, Ստորագրություն կաթողիկէ էջմիածնի և հինգ գավառացն Արարատայ, հատ. II, էջմիածին, 1842, էջ 153—154: Որ Մամուրի ջրանցքը կառուցել են ուրարտացիները, տես Ի. Վ. Շիրմազան, Գրվազներ Հայաստանի ոռոգման պատմությունից, Երևան, 1962, էջ 30—31: Գ. Ո. Մուշեղյան, Ջրամատակարարման հարցը էրևրունիում և Թեյշերաինիում, Պատմա-բանասիրական հանդես, 1971, № 1, էջ 213:

11 Եթովմայի Արծրունոյ Պատմություն սանն Արծրունեաց, Թիֆլիս, 1917, էջ 476:

12 Նույն տեղում, էջ 475:

և այդ վայրերը նույնպես պարզարում «ծառուվը պտղարևրովը սաղարթեալ և այգէտ բազմութեամբ»<sup>13</sup>, Բագրատունյաց Հայաստանում ընդարձակվում են նաև եկեղեցական տնտեսությունները: Վանքապատկան կալվածքները ուժանում էին հարուստ ընտանիքների և իշխանների կողմից կատարվող նվիրատվությունների շնորհիվ: 986 թ. Վահրամ Պահլավունի իշխանը կառուցում է Մարմաշենի եկեղեցին և նրան նվիրում դյուղեր, ագարակներ, այգիներ, ջրաղացներ<sup>14</sup>: 1198 թ. Անիի մեծատուն Առյուծ Հոգևորյանցը իր կին Սեդայի հետ միաբանում է Հոռոմոսի վանքին և նրա համար ջրանցք կառուցում<sup>15</sup>:

Միջնադարյան Հայաստանի ջրաշինարարական խոշոր և դժվարին կառույցներից է եղել Տաթևի ջրանցքը:

Որոտանի ձախ ափին, Տաթևի վանքի արևելյան դիմացի Ցաքուտ կոչվող մոտ 200 հեկտար անմշակ հողատարածությունը յուրացնելու համար անհրաժեշտ էր ջուր: Որոտանից օգտվելն անհնար էր, որովհետև այդ տեղանքում գետը մտնում է Հարժիբի (Ցայջի) անդնդախոր կիրճը, որի խորությունը հասնում է 650, իսկ Հալիձորի մոտ՝ շուրջ 800 մետրի<sup>16</sup>: Վանքի միաբանությունը ձեռնարկում է կառուցել ջրանցք: Տաթևի վանահայր և Սյունյաց եպիսկոպոս Հակոբը (918—958) երկրի իշխան Փիլիպպեից 932 թ. դնում է այժմյան Գորիս բաղաբի մոտերի Ակներ կամ Վարարակ կոչվող աղբյուրների ջրերը՝ 12 հազար գրամով ու մի թանկարժեք զոհարով, մեծ դժվարությամբ կառուցում ջրանցք և ջուրը հասցնում Ցաքուտ<sup>17</sup>: Ապա Հակոբ եպիսկոպոսը իր ձեռքով կազմում է կալվածագիր՝ ջրի իրավունքի գնման մասին. «Ես՝ Ցակոբ, շնորհիւն Աստուծոյ Սիւնեաց եպիսկոպոս, գնեցի զՎարարակ ջուրն յաստուածապահ... Փիլիպպէ Սիւնեաց տեառնէ ընդ 12.000 գրամի և մի պատուական զոհարի, և բազում ծախիւր և մեծամեծ աշխատութեամբ վերին օգնականութեամբն ածի զջուրն ի լեռնէն Ձագէձորոյ և բերի ի Վարդուտս...»<sup>18</sup>: Շուրջ 30 կիլոմետր երկարություն ունեցող այդ ջրանցքը, անցնելով Շնհեր, Հալիձոր, Խոտանան, Նորեք գյուղերի հանդամասերով, հասնում է վանքի դիմացի առապարները՝ Ցաքուտ կոչվող վայրը, որն այնուհետև կոչվել է Վարդուտ: Տաթևի ջրանցքի շնորհիվ խոպան հողերը դառնում են մրգառատ պարտեզներ և խաղողի այգիներ. «Եւ արար զամենայն վայրն առապար և փշալից, վարդուտ և տնկալից, տնկեաց բազում այգիս և որթս սորեկս և այգիս վայելուչս և դրախտս բազմածաղիկս և պտղալիցս... էարկ տունկս ի զանազան պտղաբերաց ձիթենիս և թղենիս և նռենիս և յամենայն մրգաբերաց արար դրախտս զարմանալի և զարդարեալ զբոլոր վայրն ընդարձակագոյն թանձրախիտ ծառուք և բաջուղէշ որթութե...»<sup>19</sup>: Ջրանցքի կառուցումը պահանջել է ծանր աշխատանք, որը կատարել են վանքապատկան գյուղերի շինականները՝ մեծ զրկանքներ կրելով:

<sup>13</sup> նույն տեղում:

<sup>14</sup> Կ. Կոստանյանց, Վիմական տարեգիր, էջ 16—17 (տե՛ս նաև «Илляртинки армянской эниграфии. I. Надписи Мармашена», Собрал и пригатовил к печати Носиф Орбели, Пг., 1914):

<sup>15</sup> նույն տեղում, էջ 95:

<sup>16</sup> «ՀՍՍՀ ֆիզիկական աշխարհագրություն», Երևան, 1971, էջ 402:

<sup>17</sup> «Ստանկանոսի Օրբելեան արքեպիսկոպոսի Սիւնեաց Պատմութիւն նահանգին Որսական», Թիֆլիս, 1910, էջ 254—255:

<sup>18</sup> նույն տեղում:

<sup>19</sup> նույն տեղում, էջ 256:

Տաթևի ջրանցքը թեև անցնում էր նշված գյուղերի հողերով, բայց այդ գյուղերը, համաձայն օրենքի, ոռոգման նպատակով ջրից օգտվելու ոչ մի իրավունք չունեին, որովհետև ջրանցքը պատկանում էր կալվածատեր ֆեոդալին՝ Տաթևի վանքին: Իր գրքում Օրբելյան տան պատմիչը պահպանել է ջրի իրավունքը վաճառող իշխանի՝ Փիլիպպի կողմից գրված արձանագրությունը. «Եւ ապիգար եմ ես և իմ գաւակը և այլ ազգայինք յայդ ջրոյդ յայսմհետէ մինչև յաիտեանս ժամանակաց. և շկայ նորեցեաց կամ նոտանանեցեաց կամ Օնհէրայ և Հալեցեաց յայդ ջրոյդ հաշիվ ոչ շատ և ոչ սակաւ, ոչ յարտ հատանել և ոչ ի մարդ և ոչ պարտիղի ջուր տալ՝ գատ ի մատակէդ ըմպելոյ մարդոյ և անասնոյ: Եւ թէ ես կամ իմ գաւակը յայս պայմանէս ստեմք, և կամ յայդ ջրէդ կտրել խորհիմք յարտ կամ ի մարդ կամ յայլ ինչ՝ յԱստծոյ և ի սուրբ նշանէդ նպովեալ և զիցիմք...»<sup>20</sup>:

Ըստ Գրիգոր Շիրմաղանի տվյալների, ջրանցքը վերցնելիս է. և զել վայրկյանում մոտ 200 լիտր ջուր<sup>21</sup>, բայց XIII դարում այն զգալիորեն ավերվել էր և պակասել նրա ջրթողունակությունը: 1294 թ. Տաթևի վանահայր Հովհաննեսը հիմնովին վերանորոգում է ջրանցքը, որի մասին հետևյալ արձանագրությունն է թողնում ավին գտնվող մի վիթխարի բարի վրա. «Յամի յորում էր թվ. ՉնԳ (1294): Ես տէր Յոհաննէս կաման Աստուծոյ և աղաթիւք հոգևոր հայր իմո տէր Հայրապետա տարա զջուրս Վարարական ի Վարդուտն, զոր աստուածապատիւ և հոգևոր տէր Յակոբ զնեալ էր և արարեալ բազում աշխատութեամբ և արդեամբք, զխափանեալն ի բազում ժամանակաց կրկին նորոգեցար...»<sup>22</sup>:

Վերանորոգումից հետո ջրանցքը գործել է մինչև 1386 թ., երբ Հենկթեմուրի հորդաները զրավում են Սյունիքը և ավերում այն: Տաթևի ջրանցքի մասին խոսելիս հայ անվանի բանահավաք Ե. Լալայանը 1898 թ. գրում էր. «Այժմ այս ջրանցքը բանդված է, և նախկին Վարդուտը դարձյալ ճաքուտ է մնացել»<sup>23</sup>:

Ջրաշինարարական աշխատանքներ են կատարվում նաև Վայոց ձորում: Հայտնի է, որ Սյունյաց Սմբատ իշխանի կնոջ՝ Սովիա իշխանուհու խնդրանքով 936 թ. կառուցվում է Գնդեվանքը, որի կառուցումից հետո մարդիկ մտահոգվում են կառուցել նաև ջրանցք՝ վանքապատկան հողերը ոռոգելու և Գնդեվազ գյուղի բնակչությանը ջրով ապահովելու նպատակով: Թեև Արփա գետը անցնում էր գյուղի և վանքի մոտով, բայց օգտվելն անհնար էր, որովհետև այս տեղանքում գետը հոսում էր շուրջ 400 մետր խորություն ունեցող կիրճով: 1008 թ. որոշվում է ջուր բերել այլ զետից: Պատմիչը թողել է Գնդեվազի ջրանցքի կառուցման նկարագրությունը. «Ի կաթողիկոսութեան հայոց տեառն Սարգսի, և ի թագաւորութեանն Գագիայ՝ որդոյ Աշոտոյ, իսկ ի Սիւնեաց և Բաղաց նորոգ թագաւորութեանն Վասակայ, կացեալ յառաջնորդութեան տանն այն հայր Սարգիս միսն, և արարեալ բազում արդիւնս, և ածեալ զջուրն ի լեռնէն ի մեծ Դիտաւոր սարէն, ուր աւուներն են բաղցրահամ գետոյն, որ Ձկնարած

<sup>20</sup> Նույն տեղում, էջ 256:

<sup>21</sup> Գ. Շիրմաղան, Գրվագներ Հայաստանի ոռոգման պատմությունից, էջ 158:

<sup>22</sup> «Գիվան», 11, Երևան, 1960, էջ 78:

<sup>23</sup> «Աղագրական հանդես», Գ, 1898, էջ 130:

կոչեն, ...բազում ջանիւ և մեծամեծ ծախիւք բերեալ յանդաստան վանիցն, և զանհուն առաւարն անշրդի արար ջրարբի և զամենայն լեռնակողմն. յորում ոչ զոյ ումեք հաշիւ ոչ Պրակեցեաց և Կեչուտեցեաց և ոչ այլ սահմանակից ռիզորէիցն և ոչ այլ ումեք...: Եւ զրկ ինքեան արծան ի վերայ եկեղեցւոյն սեւադեղով. և ահադին և մեծամեծ նյովիւք փակէ վասն ջրոյն, զի մի ոք իշխեցսէ կտրել զնա և կամ հարակաշ զոլ և բաժինս առնուլ, բայց միայն թե ըմպեն ի մատակէն մարդ և անասուն»<sup>24</sup>:

Ջրանցքի ընդհանուր երկարությունը 24 կիլոմետր է: Իններորդ կիլոմետրից ջրանցքը թեքվում է դեպի Արփա գետի ավազանը, որը Ջանգեզուրի լեռնաշղթայով բաժանվում է Ձկնարած գետից: Նկատի ունենալով ջրի սակավությունը և ջրանցքի երկար ճանապարհը, նրա հարմարավետ մասերում կառուցվել է 2 ջրամբար՝ զիշերները ջուրը ամբարիւս համար<sup>25</sup>: Ջրանցքը ժամանակին ոռոգել է շուրջ 400 հեկտար վանքապատկան հողատարածություն: Արծանագրությունից հետևում է, որ Գեղեվանքը ջրանցք է կառուցել միմիայն իր կալվածքներն ընդարձակելու և նրանցից ստացված եկամուտները մեծացնելու նպատակով, իսկ հարևան գյուղերն իրավունք չունեին օգտվելու ջրանցքից: Ջրանցքն ավերվել է պարսից Շահ Աբբասի արշավանքի ժամանակ<sup>26</sup>: Հետագա տարիներին ջրանցքը վերստին վերանորոգվել է և գործում է մինչև այժմ:

Ջրաշինարարական աշխատանքներ են կատարվել նաև Գեղարքունյաց գավառում, որի վարչական կենտրոնը Նորատուսն էր: Այստեղ 839 թ. Սահակ իշխանի կառուցած եկեղեցուն պատկանած հողերը ոռոգելու և ավելի եկամտաբեր դարձնելու նպատակով 842 թ. Նորատուսի իշխան Ամիր Վասակի ժամանակ կառուցվում է ջրանցք, որն սկիզբ էր առնում Դեղամա լեռների արևելյան լանջերից բխող Գավառագետից<sup>27</sup>: Նորատուսի ջրանցքի վրա կառուցվում են մի քանի ջրաղացներ: Դափուց վանքի մի արծանագրության մեջ կարդում ենք. «Իսին ԶՂԻ (1344) ևս Ավագս իմ հալալ ընչիւք զնած ի Նորատուս ջրա վերայ: Աս(1) ակն ջաղաց»<sup>28</sup>: Հետագայում նորատուսցի Միրզի որդի Ալեքսանը նորոգում է ջրանցքը և այդ մասին փորագրում արծանագրություն. «Ես Նորատուսցի Միրզի որդի Ալեքսան էս առուս նոր է էվ...»<sup>29</sup>: Այս արծանագրությունը գտնվում է Գավառագետի կամրջի ու Ղշլաղի ջրանցքի արանքում:

Գեղարքունիք գավառի ոռոգման հնագույն կառույցներից էր նաև Դավառանո ջրանցքը: Կամո քաղաքի (հնում՝ Գավառ-Քավառ, այսօր՝ Նոր Բայազետ) «Գարի զլոխ» կոչվող գերեզմանատան խաչքարի արծանագրության մեջ հիշվում է այս ջրանցքի կառուցման մասին: Այստեղ գրված է. «Ի թվ. ԲՃՂԱ: (1374): Ես ամիր Վահագս, որդի Վասիլ իշխանի, շինեցի զեկեղեցիս և զԳավառանո առուն հանեցի Կնիվանից ձորէն և սարերէն: Բնակիչք զեղիս խոստացան տա-

24 Ստ. Օրբելյան. զր. Մ, էջ 262—263:

25 Գ. Շիրմազան. Նշվ. աշխ., էջ 148: Տե՛ս նույնի՝ Ակների և Գեղեվաղի ջրանցքները, ՀՍԽՍՀ Կուլտուրայի պատմության ինստիտուտի «Աշխատություններ», հատ. 1, 1935:

26 Ե. Հալալյան, Վայոց ձոր, «Ազգագրական հանդես», գիրք 13, Իֆֆլիս, 1906, էջ 9:

27 Ե. Հալալյան, Նոր Բայազետի գավառ կամ Գեղարքունիք, «Ազգագրական հանդես», գիրք 13:

28 «Իիվան», IV, էջ 21: Տե՛ս նաև Թ. Ավդալբեգյան, Երկու էջ Հայաստանի ոռոգման պատմությունից. Նորատուսի առուն, Գավառանո առու, Երևան, 1927, էջ 10:

29 Թ. Ավդալբեգյան, Նշվ. աշխ., էջ 10:

րին :Գ:(3) ժամ կատարողըն արհնին յայն<sup>30</sup>: Գավառանո ջրանցքը սկիզբ էր առնում Գեղամա լեռների արևելյան լանջերից քիսոզ սառնորակ աղբյուրներից՝ Գելոյի ձորից, անցնում այժմյան Մաղկաշեն գյուղի միջով, թեթևում Նյուսիս-արևելք՝ դեպի Յոնջալուղի բերդը, այնտեղից ուղղվում Աղի լիճը և այդ սրա վերևով անցնելով՝ մտնում Գավառ, հոսում բնակավայրի միջով, այդ միանում Գավառագետին: Գանձակի շրջանի Աբլաճ գյուղի ձեռագիր ավետարանում Վասիլ իշխանի որդի նույն ամիր Վահայր, նշելով եկեղեցու և ջրանցքի կառուցման մասին, գրել է. «Գարձեալ կամուրջն շինեցի ու կապն կապեցի. ԹՃ (900) անծին յերինջ մորթեցի, ոչխարաց, ղոչից, գառնից սաւալի: Այս եղաւ դարձեալ. Բուսխանի մուրն իմն էր, ջուր շունէր, շապտէնն մէկ օր Մակրարովն ջուր տվի ԽԹՆ (Խաթունի՞) համար»<sup>31</sup>: Գավառագետի հովիտը կամ Գեղարբունիք գավառը միջին դարերում ոռոգվել է նաև Կապույտ աղբյուրի, Նալբանդի ջրաղացների, Չոփի ձորի, Գելոյի, Գլոնդարայի և Մանուշարի ջրանցքներով<sup>32</sup>:

Հայաստանի տնտեսական կյանքի նշանակալից վերելքն ընդհատվեց XI դարի երկրորդ կեսից, երբ երկիրը ենթարկվեց սելջուկ-թուրքերի ավերիչ արշավանքներին: Կրկնվող արշավանքների և պատերազմների ընթացքում սկզբվեց հայերի արտագաղթը դեպի աշխարհի տարբեր երկրներ: Վայրէջք ապրեց գյուղատնտեսությունը: Ավերվեցին ու շարքից դուրս եկան գործող ջրանցքներն ու ոռոգման ցանցերը: Սակայն Ջաբարյանների իշխանության օրոք Հայաստանում վերականգնվում են Բաղրատունյաց թագավորության շրջանի ֆեոդալական հողային հարաբերությունները, վերանորոգվում են ավերված քաղաքները, վերականգնվում է քայքայված գյուղատնտեսությունը, կառուցվում են նոր ջրանցքներ ու ջրամբարներ, դարգանում են այգեգործությունը, բամբակի և բրնձի մշակությունը: XII դարի 20-ական թթ. մինչև XIII դարի առաջին քառորդը Հայաստանում ծավալվում են խաղաղ շինարարական աշխատանքներ: Ջաբարյանները և նրանց վասալներ Պոռչյանները, Օրբելյանները, Վաչուտյանները, Եղվարդի իշխան Ազիզբեկը, Դսեղի Մամիկոնյանները և ուրիշներ կառուցում են շքեղ ու ձոխ եկեղեցիներ, բերդեր, իջևանատներ, վաճառատներ, ջրանցքներ, ջրամբարներ, ջրմուղներ, բաղնիքներ և այլն<sup>33</sup>:

30 «Գիվան», IV, էջ 52: Ջրանցքի կառուցման թվականը Մ. Սմրատյանը և Ե. Լալայանը հաշվել են 842 թ. (291+551=842), իսկ Թ. Ավդալբեկյանը հաշվել է փոքր թվաքանակով, այն է՝ 291+1083=1374: Ս. Բարխուդարյանը ճիշտ է համարում 1374 թ.՝ նկատի ունենալով խաչարարի քանդակների ոճը: Տե՛ս Մ. Սմրատյանց, Տեղեկագիր Գեղարբունի Մովսեսի գավառի, էջմիածին, 1895, էջ 58 և 448: «Աղագորական հանդես», XVIII, Թիֆլիս, 1908, էջ 111: Թ. Ավդալբեկյան, նշվ. աշխ., էջ 14:

31 Թ. Ավդալբեկյան, նշվ. աշխ., էջ 14: Տե՛ս նաև Ղ. Ալիշան, Սիսական, վեներիկ, 1893, էջ 145: Մ. Բարխուդարյանց, Արցախ, Բաբու, 1895, էջ 268: Այս հիշատակարանից կարելի է եզրակացնել, որ կա՛մ ԹՃ (900) անծին երինջ է մորթվել եկեղեցու, ջրանցքի և կամուրջի կառուցման համար, որն անհավանական է, կա՛մ էլ դա պետք է լինի կամուրջի շինության թվականը. այդ դեպքում այն պետք է լիներ ԹՃ (900?), որովհետև խոսքը վերաբերում է նույն ամիր Վահայր գործունեությանը:

32 Տե՛ս Թ. Ավդալբեկյան, նոր Բայազետի հին առուններն ու շրջակայքի ոռոգման հեռանկարները, «Տեղեկագիր պատմության և արվեստի ինստիտուտի», 1931, № 5:

33 Հ. Մանանդյան, Քննական տեսություն հայ ժողովրդի պատմության, հատ. Գ, Երևան, 1952, էջ 166:

1321 թ. իշխան Ազիզբեկը և իր կին Վախախը վերականգնում են Եղվարդ գյուղը, կառուցում եկեղեցի և վերանորոգում Եղվարդի ջրանցքը, որն սկիզբ էր առնում Քասախից<sup>34</sup>։ Հենց ինքը՝ Ազիզբեկը, մի համառոտ հիշատակարանի մեջ գրել է. «Ես պարոն Ազիզբեկս վերստին նորոգեցի զմեծ մենաստանս ևս լիցի ծայրէծայր շինուածովք, այգաւր և բիրաստանաւր ևս զայր իջանէր ձորից վտակեաց աղբիւրեաց, ի լեռնէն Ռեղնոյ աղբիւրն Վանից, աղբիւրն Սպիտակ, աղբիւրն Գոմալձորոյ, աղբիւրն Գանձակայ ևս զջուրն ձորոյն, որ ասի Քարաշամ, ևս ոչ եղեւ բաւական եւ ասպ ևտոյ բազում ջանիւ և աշխատութեամբ և ծախիւր ընչից բերավ զջուրն ի Քասախ գետոյ և հասուցար ի մենաստանս Եղվարդ վասն հողոյ իմոյ ևս ամուսնուն իմոյ պարոն Վախախին, վասն շինութեան տեղոյն ևս արեշատութիւն է որդոյ իմոյ»<sup>35</sup>։

Ինչպես երևում է հիշատակարանից, Եղվարդը օգտուել է երկու ջրանցքից՝ առաջինը ջուրը վերցրել է Քասախ գետից, իսկ երկրորդը սկիզբ է առել Քարաշամից, որը գտնվում է Արբելի (այժմ՝ Լուսակերտ) և Արզականի միջև և անցնելով Հրազդանի կիրճի աջակողմյան լանջերով, իր մեջ է առել աղբյուրների ջրերը։ Այս ջրանցքի հետքերը պարզ երևում են Արզնու հիդրոկայանի ջրանցքից վերև ընկած լեռնալանջում։

Միջնադարյան Հայաստանում հարևան գյուղերը հաճախ միացյալ ուժերով ու միջոցներով ջրանցքներ էին կառուցում, սահմանում կայուն հերթականություն և ոռոգում իրենց ցանքատարածությունները։ Այս մասին է վկայում այժմյան Մարտունու շրջանի Արծվանիստ գյուղի մոտ 1285 թ. կանգնեցված խաչքարի վրա փորագրված արձանագրությունը, որի համաձայն Արծվանիստի զաշտավայրի գյուղերը, որոնց ավերակները մնում են մինչև այժմ, Ալուշալու գետից ջրանցք են անցկացնում։ Ջրանցքի մնացորդները նույնպես պահպանվել են։ Այդ խաչքարը վանկվանի վանքի վերևում գտնվող երկու գյուղերի միջև կանգնեցված սահմանային հուշարձան է, որի վրա փորագրված է շրջակա գյուղերի միջև ջրօգտագործման կարգը սահմանող պայմանագիր կամ որոշում<sup>36</sup>։ Մեջ ենք բերում խաչքարի արձանագրությունն ամբողջությամբ. «Կամաւ բարերարին Այ կանգնեցաւ ամենափրկիչս ձեռամբ Գաթի, իշխանութեան Տարսախճին ևս որդոց իւր Լիպարտի ևս Ջալալին ի սահմանս ի հողոյ ևս ջրոյի՝ գեղից, որ ի գլուխս կան վանացս Վանեանից։ Շաւառնահող ևս Անմեռ ևս Սաւթալն ևս Սալկուտն ևս Սենեկն, Ախենեց ճանապարհ ևս Մամալին փոսն՝ ջուրն ուրբաթն ար ևս զիշերն, Միջնատափին՝ շաբաթ, կիրակեն, զոր կոյր զագրաճ ևս այլ տանուտէրաւք կտրեցին. թւ։ 217»<sup>37</sup>։

Գորիսի շրջանի Շինուհայր և Հալիձոր գյուղերի արանքում ոմն Գրգորիկ 1265 թ. ուրոտան գետից ջրանցք է տանում և այգի տնկում շուրջ 300 տարի

34 Գ. Հ ո ղ ս ե լ յ ա ն, Ազիզբեկներ և նրանց շինարարական գործը, «Բանբեր Հայաստանի գիտական ինստիտուտի», էջմիածին, 1921, էջ 180։ ՏԷՍՆԵՍ ևս և. Խաչիկյան, ԺԳՊՊ հարի հայերեն ձեռագրերի հիշատակարաններ, Երևան, 1950, էջ 140—141։

35 նույն տեղում։

36 Ս. Բ ա ռ խ ո ս զ ա ղ յ ա ն, Գիտություններ և նոր նյութեր Հին Հայաստանի ոռոգման գործի վերաբերյալ (նյութեր Հայաստանի գյուղատնտեսության և գյուղացիության պատմության) հատ. 1, Երևան, 1964, էջ 267—268 (այսուհետև՝ Գիտություններ)։ «Իվանո», 13, էջ 125։

37 նույն տեղում։

խոսքի հանդամասում<sup>38</sup>: Համաձայն օրենքի, երկրի իշխան Տարսայիճ Օրբելյանը հաստատել է Գրգորիկի կալվածագիր-արձանագրությունը, որը գրանդվում է նույն հանդամասում. «Ի թվիս ԶԺԿ (1265), ես՝ Գրգորիկ բաղում աշխատութեամբ բերի զառույս և տնկեցի զԲուխոռաց կէսս իգիս վայելուչս, յիշխանութէ ածասեր պարոնայն Անպատայ և Նարազատի իւրոյ Տարսայիճին: Ես՝ Տարսայիճս դիր տվի՝ հայրենեց ազգէ ազգ, 3 (300) ամ էր, որ աւեր էր, թէ որ ի հայոց կամ ի տաճկաց խլել ջանայ ՅԺԸ հայրապետացն նզոված եղիցի»<sup>39</sup>: Երկրի իշխան Տարսայիճ Օրբելյանից ստացված իրավունքով մշակած հողը, կառուցած ջրանցքը և նրանով հոսող ջուրը դառնում է կալվածատեր Գրգորիկի ժառանգական սեփականությունը: Այս երեւոյթը միջնադարյան Հայաստանում կիրառելի էր և արդարացվում էր օրենքով: Ըստ Մխիթար Գոշի «Դատաստանագրքի», ոռոգման ցանցի ընդարձակման և վարգացման համար նախատեսվում էին տնտեսական և իրավական նպաստավոր պայմաններ: Ամեն ոք ազատ իրավունք ուներ ջրանցքներ և փոքր առուներ կառուցելու, ուրիշի հողամասերից դրանք անցկացնելու մինչև իր ցանկացած տեղը<sup>40</sup>: Ջրանցքաշինարարությունը խթանող օրենքների մասին է խոսում նաև Սմբատ Սպարապետի դատաստանագրքը. «Եւ ջուր հանել ի դետոց ջրելոյ կամ ջաղցնոց համար, շկարէ որ արգելու կամ ասել, թէ սինօռն իմ է, մի հանել ջուր. կարեն հանել և տանել խանդկով ընդ ամէն մարդոյ գետններ ի յիր հողն և շինել զինչ իր պիտենայ. և չէ այն ջուրն քանց այնոր, որ տարաւ զայն ջուրն հայրենիք իւր սեփական»<sup>41</sup>:

Ջրարդարանների շրջանի Հայաստանի տնտեսական և շինարարական վերելքը կարճատե եղավ: Նրանց գործունեությունն ընդհատվեց նախ Խորեզմի թագաժառանգ Ջալալէդդինի, ապա՝ մոնղոլական արշավանքների հետևանքով: Մոնղոլական տիրապետության ժամանակաշրջանում Հայաստանն արուրում էր քաղաքական ու տնտեսական ծանր օրեր: Հայ ազգաբնակչության զանգվածային ոչնչացման, գերեվարման և արտագաղթի հետևանքով շատ գավառներ ամայացել էին<sup>42</sup>: Մոնղոլական տիրապետության անկումից հետո Հայաստանը ենթարկվեց Լենկթեմուրի ավերիչ ասսիմիլյացիային: Ապա Հայաստան ներխուժեցին թուրքմենական ակ-կոյունլու և կարա-կոյունլու բռնավոր ցեղերը: Հայաստանը նվաճելու համար թեմուրյանների և թուրքմենական ցեղերի արյունահեղ կոնվենտը տեղեցին շուրջ հարյուր տարի և ավարտվեցին կարա-կոյունլուների հաղթանակով: Այնուհետև ծայր են առնում թուրք-պարսկական պատերազմները, որոնք կարճատե ընդմիջումներով շարունակվում են մինչև XVII դարի 30-ական թթ.: Հայաստանի տերիտորիայում մղվող այդ պատերազմները ծանր հարված հասցրին երկրին. բնակչության մի մասը ոչնչացվեց, իսկ մյուս մասը ստիպված էր դաղթել երկրից և սփռվել աշխարհով մեկ: Առավել զարհուրելին Շահ Աբբասի արշավանքն էր (1604 թ.), որի ընթացքում բռնի տեղահանվեց և Պարսկաստան բռնվեց Հայաստանի բնակչության մի մասը: Այս տեղահանությունը ամայի դարձրեց երկիրը:

<sup>38</sup> Երևան, 11, էջ 52:

<sup>39</sup> նույն տեղում:

<sup>40</sup> «Մխիթարայ Գոշի Դատաստանագիրք Հայոց», Վաղարշապատ, 1880, էջ 317:

<sup>41</sup> «Դատաստանագիրք Սմբատ իշխանի (Գունդստարի)», Վաղարշապատ, 1918, էջ 20:

<sup>42</sup> Լ. Զ. Քարայան, Հայաստանի սոցիալ-տնտեսական և քաղաքական պատմությունը XIII—XIV դարերում, Երևան, 1964, էջ 525—567:

1639 թ. հաշտությամբ Արևելյան Հայաստանը անցնում էր Պարսկաստանին, իսկ Արևմտյան Հայաստանը՝ Քուրքիային: Արևելյան Հայաստանի տերիտորիայի մեծ մասը, Ափսուրյան գետից մինչև Գեղամա լեռները և Հայկական Պարից մինչև Փամբակի լեռնաշղթան ու Արագածի հյուսիսային ստորոտները, մտնում էր Երևանի խանության մեջ, որը բաժանված էր 15 մահալների: Յուրարանչյուր մահալ ստեղծվում էր որևէ գետի ջրերով:

Ինչպես Պարսկաստանում, այնպես էլ Արևելյան Հայաստանում խրախուսվում էր ջրանցքաշինությունը: Այստեղ գոյություն ունեւր մավաթի իրավունքը, այն է՝ ոռոգման ճանապարհով յուրացված նոր, անօգտագործելի հողը դառնում էր յուրացնողի սեփականությունը: Մավաթի իրավունքը հատկապես տրվում էր վանքերին ու արտոնյալ դասին: Երևանի և Նախիջևանի խանություններում սարգարները անտարբեր չէին ջրաշինարարական աշխատանքների նկատմամբ և հաճախակի իրենք էին կազմակերպում ու ղեկավարում դրանք: Ջրաշինարարական աշխատանքների ամբողջ ծանրությունն ընկած էր շահագործվող գյուղացիական զանգվածների վրա:

Երևանի խանությունում ստեղծվում են ոռոգիչ ջրանցքներին հսկող պաշտոնյաներ՝ միրաբներ և ջուվարներ, որոնք վարձատրվում էին գյուղական համայնքների կողմից: Միրաբը տվյալ մահալի ոռոգման ջրի գերագույն տնօրենն էր, որը նշանակվում էր սարգարի կողմից մեկ տարով: Նրա անբավարար աշխատանքը մեծ վնաս էր պատճառում բնակչությանը և խանական զանձարանին, որովհետև բնակչությունից հարկերը հավաքվում էին ըստ հողի բերքատվության: Ջուվարների պարտականության մեջ էին մտնում ոռոգման ջրի պահպանումը ջրանցքի բոլոր մասերում, առանձին գյուղերի միջև ջրի օգտագործման հերթին հսկելը և այն ձիշտ պահպանելը<sup>43</sup>: Սովորաբար ամեն մի գյուղ սենք իր ջուվարը, որի հսկողության տակ գտնվում էր որևէ գլխավոր առու: Միջնադարյան Հայաստանում ջրի քանակի միավորը բահն էր (մեկ բահը հավասար է շուրջ 30 լիտր/վայրկյան ջրի): Ոռոգելի ջրի քանակը հաշվվում էր նաև օրերով, «բաժիններով», «գլուխներով» և այլն<sup>44</sup>:

Միջնադարյան Հայաստանում ոռոգման ջրի վերաբերյալ կային որոշակի կանոններ, որոնք ճշտությամբ կատարվում էին բնակչության կողմից: Տակավին անհիշելի ժամանակներից ժողովուրդն ստեղծել էր առանձին կանոններ և սովորույթներ: Այդ ինքնուրույն կանոններն ու կարգերը այնքան խոր արմատներ էին ձգել մարդկանց գիտակցության մեջ, որ ո՛չ երկրի վարչական փոփոխությունները և ո՛չ էլ պետական պաշտոնյաների կամայականությունները չէին կարող արմատախիլ անել ժողովրդի հինավուրց սովորությունները, որոնք իրենց գոյությունը պահպանեցին ընդհուպ մինչև XX դարի սկիզբը:

Բոլոր ջրերը բաժանվում էին երկու կարգի՝ բնական (լիճ, գետ, վտակ, հեղեղ, սելավ, ճահճային ջուր և այլն) և ոչ բնական, «հանած ջուր» (առու,

43 Տե՛ս Թ. Խ. Հ ա կ ո ղ յ ա ն, Երևանի պատմությունը (1801—1879 թթ.), Երևան, 1959, էջ 162—166:

44 Տե՛ս Ս. Հ ա կ ո ղ յ ա ն, Գյուղական համայնքը Հայաստանում XV—XVIII դարերում, «Պատմա-բանասիրական հանդես», 1973, N 2, էջ 32: Բ. Առաքելյան, Քաղաքները և արհեստները Հայաստանում IX—XIII դարերում, հատ. 2, Երևան, 1964, էջ 229:

ջրանցք, բանքան և այլն)<sup>45</sup>: «Հանած ջուրը» առանձին անձանց կամ համայնքի սեփականությունն էր: Առհասարակ ոռոգման ջուրը Արևելքի երկրներում պատկառանք և համակրանք է վայելել թե՛ ժողովրդի և թե՛ պետության կողմից: Հերթական ոռոգման ջուրը Հայաստանի սակավաջուր համայնքներում կոչվել է «մոր արտասուր»<sup>46</sup>: Յուրաքանչյուր գյուղական համայնք, յուրաքանչյուր իրավաբանական կամ ֆիզիկական անձ բնական ոռոգման ջրից օգտվելու իրավունք ուներ հավասարապես: Ամռանը, երբ գետերում ու ջրանցքներում ջուրը խիստ պակասում էր և սկսվում էր արհեստական ոռոգման շրջանը, գյուղական համայնքների միջև և համայնքների ներսում սահմանվում էր հատուկ հերթականություն:

Մեծ էր համայնքի դերը ջրաշինարարության և ջրօգտագործման հարցերում: Համայնքն էր, որ անցկացնում էր ջրանցք-առուներ: Համայնաժողովի որոշմամբ ամեն տարի զարնանք համայնքի ուժերով մաքրվում էին գլխավոր առուները: Հատկապես ստուգվում և վերանորոգվում էր «բանդը»՝ առուների կամ ջրանցքների գլխամասը: Յուրաքանչյուր ջրօգտագործող պարտավոր էր մասնակցել գյուղի առուների մաքրման աշխատանքներին՝ «առվահանին»: Զրի բաշխումը գյուղական համայնքների միջև կատարում էր միրաբը, իսկ համայնքի ներսում՝ համայնաժողովի կողմից բնտրված ջրբաժանը: Զրի բաժանման կարգը հաստատում էր համայնաժողովը: Արտը կամ աչգին ոռոգելուց հետո ավելացած ջուրը, մինչև նրա կտրվելը, կոչվում էր լան, որը տրամադրվում էր հարևանին:

Ոչ մի համայնք և ոչ մի մասնավոր հողատեր իրավունք չունեին հրաժարվել «ջրի ճամփա» տալուց<sup>47</sup>: Իր հողից ջուր բաց թողնելու համար հողատերը իրավունք չունեի որևէ հատուցում պահանջելու: Արևելքի սակավաջուր երկրների, այդ թվում Հայաստանի ջրաշինարարական այդ օրերը նման էր հին Հռոմի «ջրանցքի սերվիտուտին»<sup>48</sup>: Ոռոգման ջրի սերվիտուտային այս օրենքը անխախտ կիրառվում էր միջնադարյան Հայաստանում<sup>49</sup>:

Չնայած բնդհանուր օրենքի համաձայն ոչ մի ծուխ, ոչ մի գյուղական համայնք չէր կարող զրկվել իրեն պատկանող հերթական ջրից, բայց կար մի դեպք, երբ միրաբին իրավունք էր տրվում դադարեցնել կամ խափանել զավառի ամբողջ ջուրը և հատկացնել մի գյուղական համայնքի: Զրի խափանման իրավունքը տեղի էր ունենում «գիրդավի» (ջուրտրուկ) կամ «հավարի» (օգնություն) ժամանակ<sup>50</sup>:

Երբ ամռանը ջուրը գետերում և առուներում սակավանում էր, որի պատճառով բոլոր գյուղերը չէին կարող միաժամանակ ջուր ստանալ, սովորութեական իրավունքը թույլատրում էր ապավինել գիրդավին, որպես արտակարգ միջոցառման: Գիրդավի էությունն այն էր, որ զավառի բոլոր ջրերը

45 С. А. Егизаров, Административно-экономический строй сельской общины в Эриванской губернии («Свод мат. по изуч. экон. быта гос. крест. Закавказского края»). Тифлис. 1889, т. 2 126—143.

46 Նույն տեղում:

47 Նույն տեղում:

48 Նույն տեղում:

49 Պրոֆ. Ն. Սամուելյան, Հին հայ իրավունքի պատմություն, հատ. 1, Երևան, 1939, էջ 197—207:

50 Տե՛ս Լևոն. Հայոց պատմություն, հատ. 3, Երևան, 1969, էջ 87:

մեկ-երկու կամ երեք օրով հատկացվում էին մի բանի գյուղերի, որոնք պարտավոր էին սահմանված ժամանակում ոտոզել իրենց ցանքսերն ու այգիները: Այս ցուրր, ըստ հերթականության, հատկացվում էր մեկ ուրիշ խումբ գյուղերի: Երբ դավր նրկսայրի սուր էր, երբ այն կիրառվում էր բարեխրդ<sup>51</sup> և անաչառ միրարների կողմից, շատ գյուղեր փրկվում էին սովից: Սակայն խիստ վերահսկողության բացակայության դեպքում, անհոգի միրարների ձեռքին դիրդավր առանձին գյուղերի ցանքսերը ոչնչացնելու զենք էր:

Եթե որևէ ջրօգտագործող թարուն կամ անհերթ կտրում էր ուրիշի հերթական ցուրր և ոտոզում իր ցանքսերը, ապա համայնքի ղեկավարության պահանջով ամբաստանյալը իրավախախտման համար պարտավոր էր մյուս օրը գնել նույն բանակությամբ ցուր՝ հօգուտ տուժողի: Զուրը կանոնավոր հերթականությամբ բաշխելու համար Եաննիրասարի գավառում գյուղական համայնքը հողի բանակի համաձայն բաժանվում էր 7 «ղահի» տերիտորիալ խմբի: Յուրաքանչյուր «ղահի» ջրելու էր շարաթական մեկ օր: «Դահի» կազմված էր մի բանի բնտանիքից: «Դահի» ներսում շատ հող ունեցողը դառնում էր «ղահիբաշի», որը գյուղական համայնքում ներկայացնում էր տվյալ «ղահի» և իրավական ուժ ուներ: Եթե «ղահի» ներսում խախտվում էր ջրի հերթականության իրավունքը, ապա «ղահի» հեռացնում էր իր շահարմարվող և շահաշտվող անդամին: «Դահերն» իրենց հերթին բաժանվում էին «ձեռքերի», իսկ ձեռքերը՝ տներին<sup>52</sup>:

Պարսկական տիրապետության շրջանում ջրաշինարարական աշխատանքները հատկապես ծավալվում են Արարատյան դաշտում, ուր զարգացած էր այգեգործությունը: Այդ աշխատանքները մեծ մասամբ ձեռնարկում էր էջմիածնի վանքը: XVII դարի առաջին կեսին էջմիածնի կաթողիկոս Փիլիպոս Աղբակեցի (1633—1655) հիմնովին վերանորոգում է Քասախից հանած ջրանցքը և այն անվանում «Շահարխ»<sup>53</sup>: Սակայն «Շահարխ» ցուրը ևս չէր բավարարում էջմիածնին պատկանող հողերի ոտոզման կարիքները: Կաթողիկոսը որոշում է ուրիշ ակունքից ցուր բերելով՝ մեծացնել ջրանցքի ելքը: Նա Արագածի ջրի մի մասը, որը բնական ընթացքով հոսում էր դեպի Շիրակի դաշտ, Ամբերդի ձորով ուղղում է Քասախ գետը: Նոր ջրանցքը սկիզբ է առել Արագածի գագաթամերձ շրջանում գտնվող Քարի լճից: Այդ լճից դեպի Շիրակի դաշտ հոսող Գեղաձոր (Գյոզալդարա) գետի ակունքը շինարարները փակել են ամուր պատնեշով, բարձրացրել լճի մակարդակը և «մեծ աշխատությամբ ու դրամածախսությամբ» բանդել բարակարկառները, ցուրը հասցրել Ամբերդ գետին, որը Քասախին է միանում Ոսկեվազ գյուղում: Նոր ջրանցքը Քասախի կարողությունը ավելացնում է «ուրիշ ջրաղացի ջրի շափով»<sup>53</sup>: Սակայն ոտոզման ջրի համար վեճ է ծագում վանքի և շրջակա գյուղացիների միջև: Գյուղացիները բռնի կերպով զավթում են ցուրը: Փիլիպոս Աղբակեցի կաթողիկոսը այդ կապակցությամբ բողոքում է պարսկա-

51 Վ. Բ դ ո յ ա ն, Երկրագործական մշակույթը Հայաստանում, Երևան, 1972, էջ 329:

52 «Ջամբու, Համաժողովեցեալ և շարադրեալ ի Սիմեօն կաթողիկոսէ Երևանցոյ», Վաղարշապատ, 1873, էջ 162:

53 Նույն տեղում, էջ 191—192: Մ. Տ Ե Ր-Մ Լ Ե Ր ո ս յ ա ն, էջմիածնի դաշտի ոտոզումը. «Արարատ», 1912, N 3: Գ. Շիրմազան, Արարատյան դաշտի ոտոզումը. «Նոր ուղի», 1931, էջ 122—123:

կան շահին<sup>54</sup>: Շահը հատուկ հրամանով Քասախի ջուրը բաժանում է երկու մասի. մի մասը տրվում է վանքի կալվածքներին, իսկ մյուսը՝ դաշտի մնացած գյուղերին:

XVII դարում ոմն Պուրջ-ալի բեկ վերանորոգում է Ռուսա II-ի կառուցած «Ումեշինի» ջրանցքը և ջուրը հասցնում իր Ջաֆարապատ (նախկին Կավակերտ, այժմ՝ Արղավանդ) կալվածքը: Թե՛ Սիմեոն Երևանցի կաթողիկոսը, թե՛ Հովհաննես Շահխաթունյանցը իրենց աշխատություններում պրնցում են, որ էջմիածնի ջրանցքը կառուցել է Պուրջ-ալի բեկը<sup>55</sup>: Սակայն Գ. Վ. Շիրմազանը, դեռևս 1930-ական թվականներին ճշտորեն հանդիմանել է այն եզրակացության, որ Պուրջ-ալի բեկը նոր ջրանցք չի կառուցել, այլ միայն վերանորոգել է Ռուսա II-ի կառուցած «Ումեշինի» ջրանցքը և ջուրը հասցրել էջմիածնի դաշտը՝ իր կալվածքը<sup>56</sup>: Այդ նույն կարծիքն է հայտնում նաև Գ. Ա. Աղախանյանը<sup>57</sup>: 1698 թ. Նահապետ կաթողիկոսը Պուրջ-ալի բեկի ժառանգներից 50 թումանով գնում է հիշյալ ջրանցքը և ջուրը հասցնում մինչև Հոփսիմեի վանքի շրջակայքը: Սակայն նախկին տերերը ջրանցքը վաճառելուց հետո փորձել են դարձյալ օգտվել նրանից: 1717 թ. Աստվածատուր Համադանցի կաթողիկոսը բողոքում է Երևանի Ալի խանին և կարողանում նրանց զրկել ջրանցքից օգտվելու իրավունքից<sup>58</sup>:

էջմիածնի վանքը ձեռնարկում է նաև ստորերկրյա ջրային պաշարների օգտագործման աշխատանքներ: Կառուցվում են բահրիզներ՝ ստորգետնյա ջրատար առուներ, էջմիածնին ու վանքին ջրով ապահովելու և առանձին ցանքատարածություններ ոռոգելու նպատակով: Այսպես կոչված «Սարի բանքանի» ջրի ելքը հավասար էր 35 լիտրի մի վայրկյանում<sup>59</sup>:

1655—1680 թթ. Երևանի Աեֆի խանը Մեծամոր գետից անց է կացնում այսպես կոչված «Ֆարշի» ջրանցքը՝ իր անունով կառուցած Աեֆիապատ գյուղը ջրով ապահովելու համար: Երա կին Խաթունը այդ տեղանքում նախ կառուցել է տալիս նոր ջրանցք, որն իր անունով կոչվում է Խաթունարիս (Խաթունի առու), ապա՝ երկու գյուղեր այդ ջրանցքի վրա, որոնք կոչվում են Էրին և Ներքին Խաթունարիս<sup>60</sup>: Այդ ջրանցքները դործում են մինչև այժմ:

1732 թ. Արրահամ Մշեցի կաթողիկոսի աթոռակալ Պետրոս Քյուրուր Հոռմկյայեցին որոշում է էջմիածնի հողերի ոռոգման համար ջրանցք կառուցել Սև ջրի աղբյուրներից: Թեև կատարվում են ծավալուն աշխատանքներ, բայց շինարարությունն ընդհատվում է. ջրանցքի ուղեգծում հայտնա-

54 Տե՛ս «Ջամբո», էջ 193:

55 Նույն տեղում, էջ 200—201: 3. Շահխաթունյանց, Ստորագրություն կաթողիկէ էջմիածնի և հինգ դատապետ Արարատայ, հատ. I, էջմիածին, 1842, էջ 137—138:

56 Գ. Շիրմազան, Գրվագներ, էջ 37: Նույնի՝ Արարատյան դաշտի ոռոգումը, էջ 122—123:

57 Գ. Ա. Աղախանյան, Ջրային տնտեսության զարգացումը Հայաստանում, Երևան, 1960, էջ 26—27:

58 Գ. Շիրմազան, նշվ. աշխ., էջ 38:

59 «Ջամբո», էջ 38—39:

60 Նույն տեղում, էջ 159: Տե՛ս նաև Թ. Ավդալբեկյան, Հայագիտական հետազոտություններ, Երևան, 1969, էջ 428—429:

քերվում են ջրի մեծ կորուստներ, որոնց դեմ պայքարելն այն ժամանակ անհնարին է եղել<sup>61</sup>։

Ֆեոդալական Հայաստանում ջրաշինարարական աշխատանքները կատարվում էին պետության, վանքերի, իշխանների, համայնքների և առանձին մարդկանց միջոցներով։ Ոռոգման ջրի օգտագործման օրենքները մեծ նշանակություն ունեին Հայաստանի գյուղատնտեսության զարգացման համար և փոփոխվում էին հասարակական հարաբերությունների ձևափոխման հետ մեկտեղ։

#### ИЗ ИСТОРИИ МЕЛИОРАТИВНОГО СТРОИТЕЛЬСТВА И ВОДОПОЛЬЗОВАНИЯ В СРЕДНЕВЕКОВОЙ АРМЕНИИ

С. А. ВИРАБЯН

(Резюме)

В силу природно-климатических условий в Армении с древнейших времен развивалось орошаемое земледелие.

В средневековой Армении мелиоративное строительство получило значительный размах. Как свидетельствуют первоисточники, проведенные в этот период мелиоративные работы делятся на пять категорий: государственные (гидростроительные работы, проводимые царями из династий Аршакидов, Багратидов и Арцрунидов), церковные (каналы, построенные Татевским, Гндевазским, Эчмиадзинским и другими монастырями), княжеские (гидростроительные работы Закарян и их вассалов Прошянов, Вачутянов, Пахлавун, Азизбеянов, Дсехских Мамиконянов и др.), общинные (когда оросительные системы строились объединенными усилиями соседних деревень) и, наконец, частные (когда оросительные каналы строили отдельные богатые люди). Решающее значение в развитии сельского хозяйства Армении имели правила использования воды, которые менялись вместе с изменением общественных отношений.

<sup>61</sup> «Ջամբո», էջ 200: Տե՛ս նաև ՀՍՍՀ մելիորացիայի և ջրային տնտեսության մինիստրության արխիվ, դ. 32, թթ. 24—26։